

REGIONALNI STAMBENI PROGRAM-RSP

Broj: 04-36-1-134 – 8505 /13

Datum: 29.05.2018. godine

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8294-1/13 od 15.01.2018. godine, a na Preporuku Komisije za javne nabavke, imenovane Rješenjem, broj: 04-36-1-134-8252-3/13 od 21.03.2018. godine, Projekt Menadžer **d o n o s i:**

O D L U K U **O IZBORU NAJPOVOLJNIJEG PONUĐAČA -** **izvođenje građevinskih radova na izgradnji** **višeoporodičnog stambenog objekta u Gradu Tuzla (34 stana)**

I

U cilju odabira najpovoljnijeg ponuđača, nakon provedenog otvorenog postupka javne nabavke izvođenja građevinskih radova na izgradnji višeoporodičnog stambenog objekta u Gradu Tuzla (34 stana), u okviru Regionalnog stambenog programa, kao najbolje ocijenjena prihvatljiva ponuda je ponuda ponuđača: **TOM - CAT d.o.o. Tuzla, sa ukupnom cijenom ponude sa uključenim popustom bez PDV-a u iznosu od 1.766.681,94 KM.**

II

Ponuđač iz tačke I ove odluke ocijenjen je kao najpovoljniji, jer ispunjava sve uslove postavljene tenderskom dokumentacijom, a u skladu sa kriterijem za dodjelu ugovora, ponudio je najnižu cijenu.

III

Dokaze o kvalifikaciji ponuđača, ponuđač je obavezan dostaviti u roku od 7 (sedam) dana od dana obavještenja ponuđača o rezultatima postupka, u skladu sa odredbama tenderske dokumentacije.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka nabavke, broj: 04-36-1-134-8252-1/13 od 27.02.2018. godine. Javna nabavka provedena je putem otvorenog postupka. Procijenjena vrijednost nabavke iznosila je 1.888.549,00 KM bez PDV-a i predviđena je Planom javnih nabavki za 2018. godinu u okviru Regionalnog stambenog programa, pod rednim brojem 08/17 – RSP BiH3 Podprojekat. Obavijest o nabavci, broj: 668-1-3-3-3-8/18 poslana je na objavu 27.02.2018. godine, te je zajedno sa tenderskom dokumentacijom, istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 14/18.

Pet ponuđača dostavilo je ponude u predmetnom postupku nabavke. Sve ponude dostavljene su blagovremeno. Ponude su dostavili sljedeći ponuđači: Džena d.o.o. Gradačac, Vinković d.o.o. Oštra Luka, Kristal d.o.o. Živinice, Tehnograd – company d.o.o. Tuzla i Tom - Cat d.o.o. Tuzla.

Komisija za javne nabavke, imenovana Rješenjem, broj: 04-36-1-134-8252-3/13 od 21.03.2018. godine, izvršila je pregled i evaluaciju prispjelih ponuda i konstatovala da od ukupno 5 (pet) dostavljenih ponuda, 4 (četiri) su prihvatljive za ugovorni organ, a 1 (jedna) ponuda se odbacuje kao neprihvatljiva.

Ponuda ponuđača Kristal d.o.o. Živinice odbačena je, jer ne ispunjava uslove tražene tenderskom dokumentacijom – tačka 7.4. Tehnička i profesionalna sposobnost, podtačka 7.4.1. stav (1) kojom je traženo da je ponuđač u prethodnih 5 godina (računajući period do datuma objavljivanja Obavještenja o nabavci) uspješno izvršio najmanje 2 ugovora čiji su „karakter i kompleksnost“ isti ili slični onima koji se odnose na predmet javne nabavke ukupne (zbirne) vrijednosti dostavljenih ugovora (najmanje 2) od minimalno 1.888.000,00 KM. Pod „karakter i kompleksnost“ iz stava gore podrazumijeva se Izvođenje građevinskih radova na objektima visokogradnje, odnosno građenje višeporodičnih stambenih objekata, stambeno-poslovnih, poslovnih, objekata za kolektivno stanovanje ili drugih javnih objekata visokogradnje. Bez obzira o kojem navedenom tipu objekta se radi, bruto građevinska površina (BGP) za svaki objekat pojedinačno ne može biti manja od 1200 m². Kao dokaz za navedeni stav podtačka 7.4.2. stav 1. traženo je da ponuđač dostavi: Spisak izvršenih ugovora (Prilog 8, ovjeren od strane ponuđača), uz potvrdu o njihovoj realizaciji, koju daje druga ugovorna strana. Ponuđač nije popunio Prilog 8 na način kako je zahtjevano tenderskom dokumentacijom odnosno nije popunio kolonu bruto građevinska površina objekta, koji je bio predmet ugovora tj. ničim nije dokazana tražena bruto građevinska površina objekata.

Nakon izvršenog pregleda i evaluacije ponuda, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-8380-2/13 od 18.04.2018. godine zajedno sa Preporukom da se donese Odluka o izboru najpovoljnijeg ponuđača Tom - Cat d.o.o. Tuzla, sa registriranim sjedištem na adresi u ul. Izeta Sarajlića br. 44, Tuzla, ID broj: 4209469460003, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, svaki od ponuđača koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Svim učesnicima u postupku
- Web stranica Ministarstva
- Grupa poslova za javne nabavke
- a/a



PO Ovlaštenju Ministra

Projekt menadžer
mr. sci. Amira Mašović